

唐
音
統
籤

丁籤十七錢起之七

唐音統籤卷

二百四十七

五言排律二

禁闈翫雪寄薛左丞

玄雲低禁苑飛雪滿神州
虛白生臺榭寒光入冕旒
粉凝宮壁靜乳結洞門幽
細繞迴風轉輕隨落羽浮
怒濤堆砌石新月孕簾鉤
爲報詩人道豐年
誦聖猷

山齋讀書寄時校書杜叟

日晏薜蘿芳下閉觀山海圖
幽人自守朴窮谷也名
愚倒嶺和溪雨新泉到戶樞
叢蘭齊稚子蟠木老

月言集
潛夫憶戴差過剡遊仙慣入壺
陳果時一訪莊叟
亦書從

過山人所居因寄諸遺補

空谷春雲滿愚公曉跡深
一隨玄豹隱幾換綠蘿
陰絕徑人稀到芳葍我獨尋
厨烟住峭壁酒氣出
重林蝴蝶晴還舞黃鸝晚暫吟
所思青瑣客瑤草
寄幽心

山園秋晚寄杜黃裳少府

惆悵佳期阻園林秋景閑
終朝碧雲外唯見暮禽
還泉石思攜手煙霞不閉關
杖藜仍把菊對卷也

看山望望離心起非君誰解顏

閑居寄包何

去名卽棲遁何必歸滄浪種藥幽不淺杜門喧自
忘林眠多曉夢鷗散驚初陽片雪幽雲至迴風鄰
果香佳期碧天末惆悵紫蘭芳

寄袁州李嘉祐員外

誰謂江山阻心親夢想偏容輝常在目離別任經
年郡國通流水雲霞共遠天行春鶯幾囀遲客月
頻圓雁有歸鄉羽人無訪戴船願徵黃霸入相見
玉堦前

憶山中寄舊友

數歲白雲裡與君同采薇樹深煙不散溪靜鷺忘飛
更憶東巖趣殘陽破翠微脫巾花下醉洗藥月前歸
風景今還好如何與世違

送王相公赴范陽

翊聖銜恩重頻年按節行安危皆報國文武不緣名
受脤仍調鼎爲霖更洗兵幕開丞相閣旗總貳師營
料敵知無戰安邊示有征代雲橫馬首燕雁拂笳聲去
鎮關河靜歸看日月明欲知瞻戀一作望切遲暮一書生

送劉相公江淮催轉運

紀事云時以此詩爲擅場

國用資戎事臣勞爲主憂將徵任土貢更發濟川
舟擁傳星邈去過池鳳不留唯高飲冰節稍淺別
家愁落葉淮邊雨孤山海上秋遙知謝公興微月
在江樓

送蔣尚書居守東都

鳳輦幸秦久周人侯帝情若非君敏德誰鎮洛陽
城前席命才彥舉朝推令名綸言動北斗職事守
東京鄭履下天去遽輪滿路聲出關秋樹直對闕
遠山明肅肅保釐處水流宮苑清長安日西笑朝

夕袞衣迎

送王諫議任東都居守

車徒鳳掖東去去洛陽宮暫以青蒲隔還看紫禁
同經過乘雨露瀟洒出駕鴻官署名臺下雲山舊
苑中暮天雙闕靜秋月九門空且喜成周地詩人
播國風

送張五員外東歸楚州

纓珮不爲美人群寧免辭杳然黃鵠去未負白雲
期此別清興盡高秋臨水時好山狂帆解浪跡到
家遲他日詔書下梁鴻安可追

送集賢崔八叔承恩括圖書

雨露滿儒服天心知予虛還勞五經笥更訪百家
書贈別傾文苑光華比使車晚雲隨客散寒樹出
關疎相見應朝夕歸期在玉除

送王使君赴太原行營

太白明無象皇威未戢戈諸侯持節鉞千里控山
河漢驛雙旌度胡沙七騎過驚蓬連雁起牧馬入
雲多不賣盧龍塞能消瀚海波須傳出師頌莫奏
式微歌

送王使君移鎮淮南

共許徐方牧能臨河內人郡移棠轉茂車至鹿還
馴吏事嘉師旅駕行惜縉紳別心傾祖席愁望盡
征輪紫諾徵黃晚蒼生借寇頻願言青瑣拜早及
上林春

送張中丞赴桂州

出守求人瘼推賢動聖情紫臺初下詔皂蓋始專
城寵借飛霜簡威加却月營雲衢降五馬林木引
雙旌夙仰敦詩禮嘗聞偃甲兵戍樓雲外靜訟閣
竹間清化佇還珠美心將片玉貞寇恂朝望重計
口謁承明

送鮑中丞赴太原軍營

年壯才仍美時來道易行
寵兼三獨坐威肅貳師
營將略過南仲天心寄
北京雲旂臨塞色龍笛出
關聲漢月隨霜去遶塵計
日清漸知王事好文武
用書生

奉送戶部李郎中克晉國副節度出塞

德佐調梅用忠輸擊虜年
子房推廟略漢主託兵
權受命榮中禁分麾鎮左
賢風生黑山道星下紫微
天始願文經國俄看武定
邊鬼方堯日遠幕府代雲
連汗馬將行矣盧龍已肅
然關防驅使節花

月眷離筵自泰知音遇而今感義偏汨聞橫吹落
心逐去旌懸帝念夔能政時須說濟川勞還應卽
爾朝暮玉輝前

送丁著作佐台郡

多年金馬客名遂動歸輪佐郡紫書下過門朱綬
新揚舲望海嶽入境背風塵水驛偏乘月梅園別
受春帶經臨府吏鱸鯉待鄉人始見美高士逍遙
在縉紳

送襄陽盧判官奏開河事

千里趨魏闕一言簡聖聰河流引關外國用贍秦

中有詔許其策隨山興此功連雲積石阻計日安
波通飛棹轉年穀利人勝歲豐言歸漢陽路拜首
蓬萊宮紫殿賜衣出青門酣酌同晚陽過微雨秋
水見新鴻坐惜去車遠愁看離館空因思鄧川守
南楚滿清風

寇中送張司馬歸洛

戎狄寇周日衣冠適洛年客亭新驛騎歸路舊人
煙吾道將東矣秋風更颯然雲愁百戰地樹隔兩
鄉天旅思蓬飄隨驚覓雁怯弦今朝一樽酒莫惜
醉離筵

送鄭書記

決勝無遺策辭天使請纓出身唯殉死報國且能
兵受命麒麟殿叅謀驃騎營短簫催別酒斜日駐
前旌義勇千夫敵風沙萬里行幾年丹闕下侯印
錫書生

送李兵曹赴河中

能荷鐘鼎業不矜統緒榮侯門三事後儒服一書
生昔志學文史立身爲士英驪珠難隱曜臯鶴會
長鳴休命且隨牒候時常振纓寒蟬思關柳匹馬
向蒲城秋日照將暮黃河如欲清黎人思坐嘯知

子樹佳聲

送任先生任唐山丞

再命果良願幾年勤說詩上公頻握髮才子共垂
帷琢玉成良器出門偏愴離腰章佐墨綬耀錦到
茅茨老樹見家日潮平歸縣時衣催蓮女織頌聽
海人詞鴻鵠志應在荃蘭香未衰金門定回首雲
路有佳期

山下別杜少府

把手意難盡前山日漸低情人那忍別宿鳥尚同
棲寸晷戀言笑佳期欲阻礙離雲愁出岫去水咽

分漢莊叟幾虛說楊朱空自迷傷心獨歸路秋草
更萋萋

送嚴士良侍奉詹事南遊

疏傳獨知止曾參善愛親江山侍行邁長幼出羣
塵握手想千古此心能幾人風光滿長陌草色傍
征輪日夕望荆楚鴈鳴芳杜新漁煙月下淺花嶼
水中春點翰遇相憶含情向白蘋

送李九歸河北

文武資人望謀猷簡聖情南州初卧鼓東土復維
城寄重分符去威仍出閫行斗牛移八座日月送

雙旌別戀瞻天起仁風應物生佇聞收組練鏘玉
會承明

送李秀才落第遊荆楚

翠羽雖

一作難

成夢遷鶯尚後群名逃却說策興發

謝玄文昏旦扁舟去江山幾路分上潮吞海日歸
雁出湖雲詩思應須苦猿聲莫厭聞離居見新月
那得不思君

送楊鎬歸隱

悔作掃門事還吟招隱詩今年芳草色不失故山
期遙想白雲裡采苓春日遲溪花藏石徑巖翠帶

茅茨九轉莫飛去三迴
還嗤茂陵客貧病
老明時

送族姪之郡

林下不成興
仲容微祿牽客程
千里遠別念一作

片帆懸欲歎
早棲去其如勝趣偏
雲山深郡郭花
木淨潮田坐
嘯帷應下離居
月復圓此時知
小院相憶綠
鐙前

送沈冲

天機非外假
至人常宴如
心期邈霄漢
詞律響瓊
琚舉酒常歎
惜無人達
子虛夜光
矢隨掌
驥驥伏

鹽車考室晉山下歸田泰歲初寒雲隨路合沿照
下城餘千里還同術無勞怨索居

還外甥懷素上人歸鄉侍奉

釋子吾家寶神清慧有餘能翻梵王字妙盡伯英
書遠鶴無前侶孤雲寄大虛往來輕世界醉裡得
真如飛錫離鄉久寧親喜臘初故池殘雪滿寒柳
霽煙疎詩酒還嘗藥晨餐不薦魚遙知禪誦外徒
筆賦閑居

哭常徵君

萬化一朝盡窮泉悲此君如何丹竈術能誤紫芝

唐詩續集
焚不遂蒼生望空留封禪文
遠年隨逝水真氣盡
浮雲山閉龍蛇蟄林寒麋鹿群
傷心載酒地仙菊
爲誰薰

經李蒙頤陽舊居

同心而早世天道亦何論
獨有山陽宅平生永不
護青溪引白鳥流涕弔芳華
蔓草入空室叢篁深
毀垣舊遊還在眼神理更忘言
唯見東山月人亡
不去門

省試湘靈鼓瑟

舊唐書本傳起初從鄉薦客舍月下聞人哦於庭曰曲終

人不見江上數峰青起攝衣從之無所見
矣及就試詩題乃湘靈鼓瑟也因以鬼謠

十字爲落句主文李璘稱爲絕唱登高第
宣宗嘗與中書舍人李藩論此詩重用
不字以爲病然兩
處皆未易更也

善鼓雲和瑟常聞帝子靈馮夷空自舞楚客不堪
聽苦調淒金石清音入杳冥蒼梧來怨慕白芷動
芳馨流水傳湘浦悲風過洞庭曲終人不見江上
數峰青

巨魚縱大壑

巨魚縱大壑遂性似乘時奮躍風生鬣勝凌浪鼓
鱗龍據回地軸鯢化想天池方快吞舟意尤殊在
藻嬉傾危嗟幕燕隱晦銷泥龜喻士逢明主才猷

得所施

五言小律

新雨喜得王卿書問

苦雨暗秋徑寒花垂紫苔
愁中綠罇盡夢裡故人來
果有相思字銀鈎新月開

和劉明府宴縣前山亭

城隅勞心處雪後歲芳開
山映千花出泉經萬井來
翔鸞欲下舞上客且留杯

送楊著作歸東海

楊柳出關色東行千里期
酒酣暫輕別路遠始相

思欲識離心盡斜陽到海時

送李協律還東京

芳草忽無色王孫復入關
長河侵驛道足馬傍雲
山愁見離居久螢飛秋月閑

賦得巢燕送客

能棲杏梁際不與黃雀群
夜影寄紅燭朝飛高碧
雲含情別故侶花月

一作
宛似惜春分

卷終

丁籤十七籤起之八

唐音統籤卷

二百四十八

七言律詩

漢武出獵

漢家無事樂時雍
羽獵年年出九重
玉帛不朝金闕路
旌旗長繞綵霞峰
且貪原獸輕黃屋
寧畏漁人犯白龍
薄暮方歸長樂觀
垂楊幾處綠烟濃

長信怨

長信螢來一葉秋
蛾眉淚盡九重幽
鵲觀前明月度
芙蓉闕下絳河流
鴛鴦久別難爲夢
鳳管遙聞更起愁
誰分昭陽夜歌舞
君王玉輦正淹留

早夏

楚狂身世恨情多似病如憂正是魔花萼敗春多
寂寞葉陰迎夏已清和鵬黃好鳥搖深紅一作樹細
白佳人著紫羅軍旅開詩裁不得可憐風景道如
何

避暑納涼

木槿花開異日長時攜輕扇倚繩床初晴草蔓綠
新筍纔雨苔衣染舊牆十旬河朔應虛醉八柱天
台好納涼無事始然知靜勝深垂紗帳詠滄浪

幽居春暮書懷

自哂鄙夫多野性貧居數畝半臨湍谿雲雜雨來
茅屋山雀將雛到藥欄仙籙滿床閑不厭陰符在
簾老羞看更憐童子宜春服花裡尋師指杏壇

暇日覽舊詩因以題詠

追憶心地得關關偶被功名浣一作免我閑有壽亦

將歸象外無詩兼不戀人間何窮默識輕洪範未

喪斯文勝大邇世儼靜開離似此藥珠春色一作雪

海中山

同程允早入中書

詩立方云起未嘗官中書
總管孫明詩誤入今兩存

侯再考

唐詩集卷之四
漢家賢相重英奇，蟠木何材也見知。不意雲霄能
自致，空驚鸞鷟忽相隨。臘雪初明柏子殿，春光欲
上萬年枝。獨憐皇鑒明如日，未厭春光向玉墀。

宴曹王宅

賢王駟馬退朝初，小苑三春帶雨餘。林沼慈龍多
貴氣，樓臺隱映接天居。仙雞引敵穿紅藥，宮燕銜
泥落綺疎。自嘆平生相識願，何如今日願應徐。

仲春宴王補闕城東小池

王孫興玉幽尋好，芳草春深景氣和。藥院愛隨流
水入，山齋喜與白雲過。猶嫌巢鶴窺人遠，不厭叢

花對客多醉來倚玉無餘事目送歸鴻笑復歌

過張成侍御宅

丞相幕中題鳳人文章心事每相親從軍誰謂仲
宣樂入室方知顏子貧盃裡紫茶香代酒琴中綠
水靜留賓欲知別後相思意唯願瓊枝入夢頻

尋司勳李郎中不遇

知己知音同舍郎如何咫尺阻清揚每恨蒹葭傍
芳樹多慚新燕入華堂重花不隔陳蕃榻修竹能
深夫子牆唯有早朝趨鳳閣朝時憐羽接鴛行
七盤嶺阻寇聞李端公先到南楚

日暮窮途淚滿襟雲天南望羨飛禽隴腸暗與孤
鴻斷江水遙連別恨深明月既能通憶夢青山何
用隔同心秦楚眼看成絕國相思一寄白頭吟

登劉賓客高齋

時公勸退相

能以功成踈寵位不將心賞負雲霞林間客散孫
弘閣城上山宜綺季家蝴蝶晴連池岸草黃鸝晚
出柳園花日陪鯉也趨文苑誰道門生隔絳紗

題郎士元半日吳村別業兼呈李長官

半日吳村帶晚霞閑門高柳亂飛鴉橫雲嶺外千
重樹流水聲中一兩家愁人昨夜相思苦閨月今

年春意賒自嘆梅生頭似雪却憐潘令縣如花

同王銷起居程浩郎中韓翃舍人題安國寺

用上入院

慧眼沙門真遠公經行宴坐有儒風香緣不絕簪
裾會禪想寧妨藻思通曙後爐烟生不滅晴來堦
色並歸空狂夫入室無餘事唯與天花一笑同

題嵩陽焦道士石壁

三峰花畔碧堂懸錦里真人此得仙玉醴纔飛西
蜀雨霓裳欲向大羅天彩雲不散燒丹竈白鹿時
藏種玉田幸入桃源因去世方期丹訣一延年

謁許由廟

故向箕山訪許由
林泉物外自清幽
松上掛瓢枝幾變
石間洗耳水空流
綠苔唯見遮三徑
青史空傳謝九州
緬想古人增嘆惜
颯然雲樹滿巖秋

題延州聖僧穴

定力無涯不可稱
未知何代坐禪僧
默然出門宵閉月
熒熒石壁晝燃燈
四時樹長書經葉
萬歲巖懸柱杖藤
昔日捨身緣救鵠
今時出見有飛鷹

樂遊原晴望上中書李侍郎

爽氣朝來萬里清
憑高一望九愁輕
不知鳳沼霖

初霽但覺堯天日轉明四野山河通遠色千家砧
杵共秋聲遙想青雲丞相府何時開閣引書生

贈闕下裴舍人

二月黃鶯飛上林春城紫禁曉陰陰

一本三
何倒用長樂

鐘聲花外盡龍池柳色雨中深陽和不散窮途恨

霄漢長懸捧日心獻賦十年猶未遇羞將白髮對

華簪

劉辰翁云有情有
味有體色深可觀

酬趙給事相尋不歸留贈

誰憶顏生窮巷裡能勞馬跡破春苔忽看童子掃
花處始愧夕郎題鳳來斜景適隨詩興盡好風纔

送珮聲回豈無難黍期他日借此殘春阻綠盃

重贈趙給事

久飛鶯掖出時髦耻負平生稽古勞玉樹滿庭家
轉貴雲衢獨步位初高能迂騶馭尋謁舍不惜瑤
華報木桃應念潛郎守貧病常悲休沐對蓬蒿

酬考功楊員外見贈佳句

黃卷讀來今已老
白頭受屈不曾言

上林諫獵知才薄尺組承恩愧命牽潢潦難滋滄
海潤螢光空盡太陽前虛名濫接登龍士野性寧
忘種黍田相國無私人守朴何辭老去上皇年

山中酬楊補闕見過

日煖風恬種藥時
紅泉翠壁薜蘿垂
幽溪鹿過苔
還靜深樹雲來鳥不知
青瑣同心多逸興
春山載酒遠相隨
却慚身外牽纓冕
未勝杯前倒接巵

贈張南史

紫泥何日到滄洲
笑向東陽沈隱侯
黛色山峰雲外出
穀文江水縣前流
使臣自欲論公道
才子非關厭薄遊
溪畔秋蘭雖可佩
知君不得少停舟

蘭溪之別名也

和李員外扈駕幸溫泉宮

未央月曉度疎鐘
鳳輦時巡出九重
雪霽山門迎

瑞日雲開水殿候飛龍輕寒不入宮中樹佳氣常

浮仗外蜂

王元美云此錢吳興最得意句然上句秀而過巧下句寬而不稱 遞羨

枚臯扈仙蹕偏承霄漢渥恩濃

和王員外晴雪早朝

紫微晴雪帶恩光繞仗偏隨鴛鴦行長信月留寧
避曉宜春花滿不飛香獨看積素疑清禁已覺輕
寒讓太陽題柱盛名兼絕唱風流誰繼漢田郎

和慕容法曹尋漁者寄城中故人

孤烟一點綠溪湄漁父幽居卽舊基飢鷺不驚牧
釣處閒麋應乳負暄時茅齋對雪開樽好稚子焚

枯飯客遲勝事宛然懷抱裡頃來新得謝公詩

夜宿靈臺寺寄郎士元

西日橫山含碧空東方吐月滿禪宮朝瞻雙頂青

冥上夜宿諸天色界中石潭倒泐

映一作

蓮花水塔

院空聞松栢風萬里故人能尚爾知君視聽我心
同

寄永嘉王十二

永嘉風景入新年才子詩成定可憐夢裡還鄉不
相見天涯憶戴復誰傳花傾曉露垂如淚鶯拂遊
絲斷若絃願得回風吹海雁飛書一宿到君邊

送張員外出牧岳州

鳳凰銜詔與何人善政多才寵冠恂臺下鴛鸞爭
送遠岳陽雲樹待行春自憐黃閣知音在不厭形
幘出守頻應笑馮唐衰且拙世情相見白頭新

送馬員外拜官覲省

二十爲郎事漢文鴛鴦驥子自爲群筆精已許臺
中妙劒術還令世上聞歸覲屢經槐里月出師常
笑棘門軍莫言來往朝天遠看取鳴鞘入斷雲

送裴頡侍御使蜀

杜史纔年四十強鬚髯玄髮美清揚朝天綉服乘

恩貴出使星輶滿路光錦水繁華添麗藻蛾眉明
月引飛觴多才自有雲霄望計日應追鴛鴦行

送李評事赴潭州使幕

湖南遠去有餘情蘋葉初齊白芷生謾說簡書催
物役遙知心賞緩王程興過山寺先雲到嘯引江
帆帶月行幕下由來貴無事佇聞談笑靜黎甯

送河南陸少府

雲間陸生美且奇銀章朱綬映金羈自料抱材將
致遠寧嗟趨府暫牽卑東城社日催巢燕上苑秋
聲散御梨朝夕詔書還相署行看飛隼集高枝

送興平王少府遊梁

舊識相逢情更親，攀歡甚少愴離頻。
黃綬罷來多

遠客，青山何處不愁人。
日斜官樹聞蟬滿

一作雨晚

過關城見月新。梁國遺風重詞賦，諸侯應念馬卿

貧。

送嚴維尉河南

惠葉青青花亂開，少年趨府下蓬萊。
甘泉未獻揚雄賦，吏道何勞賈誼才。
征陌獨愁飛蓋遠，離筵只惜暝鐘催。
欲知別後相思處，願植瓊枝向柏臺。

送孫十尉溫縣

飛花落絮滿河橋千里傷心送客遙
不惜芸香幾黃綬惟憐鴻羽下青霄
雲衢有志終驥首吏道無媒且折腰
急管繁絃催一醉顏陽不駐引征鑣

送李九貶南陽

玉柱金罍醉不歡雲山驛道向東看
鴻聲斷續暮天遠柳影蕭疎秋日寒
霜降幽林霑蕙若弦驚翰苑失鶯鶯
秋來回首君門阻馬上應歌行路難

送冷朝陽擢第後歸金陵觀省

萊子晝歸今始好潘園景色夏偏濃
夕陽流水吟詩去明月青山出竹逢
兄弟相歡初讓果鄉人爭

賀舊登龍佳期少別俄千里雲樹愁看過幾重

送韋信愛子歸覲

離舟解纜對斜暉春水東流燕北飛才子學詩趨
露冕棠花含笑待斑衣稍聞江樹啼猿近轉覺山
林過客稀借問還珠盈合浦何如鯉也入庭闈

送鍾評事應宏詞下第東歸

芳歲歸人嗟轉蓬含情回首灞陵東蛾眉不入秦
臺鏡鷁羽還驚宋國風世事悠揚春夢裡年光寂
寞旅愁中勸君稍盡離筵酒千里佳期難再同

猷川雪後送僧粲臨還京時避世臥疾

連步青溪幾萬重有時共立在孤峰齋到盂空食
麥雪經傳金字坐雲松呻吟獨臥猷川水振錫先
聞長樂鐘回望羣山携手處離心一一涕無從

哭辛霽

流水辭山花別枝隨風一去絕還期昨夜故人泉
下宿今朝白髮鏡中垂音徽寂寂空成夢容範朝
朝無見時旦暮餘生幾息在不應存沒未嘗悲

七言小律

題張藍田訟堂

角巾高枕向晴山訟簡庭空不用關秋風憲下琴

唐書魏鑑

卷一

四

一

書靜夜

落一作

景門

前人吏

閑稍覺

淵明歸思

遠東

皐月出片雲還

丁籤十七錢起之九

唐音統籤卷二十九

五言絕句

言懷

夜月霽來好雲泉堪夢歸如何建章漏催著早朝

衣

傷秋

正音補

傷
歲去人頭白秋來樹葉黃搔頭向黃葉與爾共悲

和張僕射塞下曲

一作盧綸詩

月黑雁飛高單于夜遁逃欲將輕騎逐大雪滿弓

万

宿洞口館

或作耿
漳詩

野竹通溪冷秋泉入戶鳴
亂來人不到寒草上階生

題崔逸人山亭

藥徑深紅蘚山窓滿翠微
羨君花下酒蝴蝶夢中飛

逢俠者

燕趙悲歌士相逢劇孟家
寸心言不盡前路日將斜

過李侍御宅

不見承明客愁聞長樂鍾

一作翰墨成千古恩榮謝九重

馬卿何

早世漢主欲登封

郎員外見尋不遇

軒騎來相訪漁樵悔晚歸更憐乘露跡花裡點墻
衣

九日寄姪苾萐等

采菊偏相憶傳香寄便風今朝竹林下莫使桂樽

空

赴章陵謝李卿贈別

一官叨下秩九轉謝知音芳草文園路春愁滿別
心

送李明府去官

謗言三至後直道歎何如今日藍溪水無人不夜
魚

梨花

艷靜如籠月香寒未逐風桃花徒照地終被笑妖
紅

藍田溪雜詠二十二首

望山臺

望山登春臺目盡趣難極晚景下平阡花際霞峰
色

板橋

靜宜樵隱處遠與車馬隔有時行樂來喜還歸山
客

石井

片霞照仙井泉底桃花紅那知幽石下不與武陵
通

古藤

引蔓出雲樹垂綸覆巢鶴幽人對酒時苔上閒花

落

晚歸鶯

池上靜難厭
雲間欲去晚
忽背夕陽飛
乘興清風遠

洞仙徑

幾時到青山
數重度流水
秦人入雲去
知向桃源裡

藥圃

春畦生百藥
花葉香初霽
好日與風光
偏來入叢蕙

石上苔

靜與溪色連幽宜松雨滴誰知古石上不染世人
跡

窓裡山

遠岫見如近千里一窓裡坐來石上雲乍謂壺中
起

竹間路

暗歸草堂靜半入花園去有時載酒來不與清風
遇

竹嶼

幽鳥清漣上興來看不足新篁壓水低昨夜鴛鴦宿

砌下泉

穿雲來自遠激砌流偏駛能資庭口幽更引海禽至

戲鵲

乍依菱蔓聚盡向蘆花滅更喜好風來數片翻晴雪

遠山鐘

風送出山鐘雲霞度水淺欲知聲盡處鳥滅寒天

遠

東坡

一作憶
皇子陂

永日興難忘
撥芳春
陂曲新晴
花枝下愛此苔水
綠

池上亭

臨池構杏梁
待客歸煙塘
水上褰簾好
蓮開柱若香

銜魚翠鳥

有意蓮葉間
瞥然下高樹
擘波得潛魚
一點翠光去

石蓮花

幽石生芙蓉百花慚美色遠笑越溪女聞芳不可識

泝溪聲

亂石跳素波寒聲聞幾處颼颼暝風引散山空林
去

松下雪

雖因朔風重不向瑤臺側唯助苦寒松偏明後凋
色

田鶴

田鶴望碧霄無風亦自舉單飛後片雲早晚及前
侶

南陂

家住鳳城南門臨古陂曲時憐上林雁半入池塘
宿

七言絕句

校獵曲

長楊殺氣連雲飛漢主秋畋正掩圍重門日宴紅
塵出數騎胡人獵獸歸

春郊

水遶冰渠漸有聲
氣融煙塢晚來明
東風好作陽和使
逢草逢花報發生

長安落第

花繁柳暗九門深
對飲悲歌淚滿襟
數日鶯花皆落羽
一回春至一傷心

暮春歸故山草堂

文苑英華作劉長卿題竹誤

谷口春殘黃鳥稀
辛夷花盡杏花飛
獨憐幽竹山窗下
不敗清陰待我歸

九日田舍

今日陶家野興偏
東籬黃菊映秋田
浮雲暝鳥飛

將盡始達青山新月前

夜泊鸚鵡洲

月照溪邊一罩蓬
夜聞清唱有微風
小樓深巷敲方響
水國人家在處同

過故洛城

故城門前春日斜
故城門裡無人家
市朝欲認不知處
漠漠野田空草花

同王員外隴城絕句

三軍版築脫金刀
黎庶翻慚將士勞
不憶新城連嶂起
唯驚畫角入雲高

與趙茗茶讌

竹下忘言對紫茶全勝羽客醉流霞塵心洗盡興
難盡一樹蟬聲片影斜

訪李卿不遇

畫戟朱樓映晚霞高門寒柳度飛鴉門前不見歸
軒至城上愁看落日斜

晚歸嚴明府題門

降士林霑蕙草寒弦驚翰苑失鴛鴦秋中回首君
門阻馬上應歌行路難

晚過橫嶺寄張藍田

亂水東流落照時
黃花滿徑客行遲
林端忽見南山色
馬上還吟陶令詩

送符別駕還郡

驥足駿馱吳越關
屏星復與紫書還
已知從事元無事
城上愁看海上山

送張叅及第還家

太學三年聞琢玉
東堂一舉早成名
借問還家何處好
玉人含笑下機迎

送歐陽子還江華郡

江華勝事接湘濱
千里湖山入興新
才子思歸催

唐書續錄
去棹汀花且爲駐殘春

秋夜送趙冽歸襄陽

斗酒忘言良夜深紅萱露滴鵲驚林欲知別後思
今夕漢水東流是寸心

送崔山人歸山

東山殘雨挂斜暉野客巢山指翠微別酒稍酣乘
興去知君不羨白雲歸

題禮上人壁畫山水

連山盡出映禪扉粉壁香筵滿翠微坐來爐氣紫
空散共指晴雲向嶺歸

故王維右丞堂前芍藥花開悽然感懷

芍藥花開出舊欄
春衫掩淚再來看
主人不在花長在
更勝青松守歲寒

歸雁

瀟湘何事等閑回
水碧沙明兩岸苔
二十五絃彈夜月
不勝清怨却飛來

丁籤十八

唐音統籤卷

二十

李端字正已趙郡人大曆五年進士與盧綸吉中
孚韓翃錢起司空曙苗發崔峒耿湓夏侯審唱和
號大曆十才子嘗客駙馬郭曖第賦詩冠其坐客
爲昇平主所賞初授校書郎後移疾江南官杭州
司馬卒集三卷唐宋藝文志同今編爲五卷端工奕盧綸
悼端詩云賭
墅鬼神變屬
詞爲鳳鸞

五言古詩

春遊樂

遊童蘇合彈倡女蒲葵扇初日映城時相思忽相

見寒裳蹋露草理鬢迴花面薄暮不同歸留情此
芳甸

千里思

涼州風月美遙望居延路汎汎下天雲青青緣塞
樹燕山蘇武上海島田橫住更是草生時行人出
門去

古別離

水國葉黃時洞庭霜落夜行舟聞商估宿在楓林
下此地送君還茫茫似夢間後期知幾日前路轉
多山巫峽通湘浦迢迢隔雲雨天晴見海橋月落

聞津鼓人老自多愁水深難急流清宵歌一曲迤
首對汀洲

古別離

與君桂陽別令君岳陽待後事忽差池前期日空
在木落鴈嗷嗷洞庭波浪高遠山雲似蓋極浦樹
如毫朝發能幾里暮來風又起如何兩處愁皆在
孤舟裡昨夜天月明長川寒且清菊花開欲盡薺
菜拍來生下江帆勢速五兩遙相逐欲問去時人
知投何處宿空令猿嘯時泣對

折楊柳送別

東城攀柳葉柳葉低着草少壯莫輕年輕年有衰
老柳發遍川崗登高堪斷腸雨烟遙漠漠何樹近
君鄉贈君折楊柳顏色豈能久上客莫沾巾佳人
正迴首新柳送君行古柳傷君情突兀臨荒渡婆
娑出舊營隋家兩岸盡陶宅五株榮日暮偏愁望
春山有鳥聲

一本截後八句
爲五律似誤

歸山招王達

日長原野靜杖策步幽巖雉雉麥苗陰蝶飛溪草
晚我生好閑放此去殊未返自是君不來非關故

山遠

過谷口元贊善所居

入谷訪君來秋泉已堪涉林間人獨坐月下山相
接重露濕蒼苔明燈照黃葉故交一不見素髮何
稠疊

早春同庾侍郎題青龍上方院

相見惜餘輝齊行登古寺風煙結遠根山水含芳
意車馬莫前歸留看巢鶴至

荊州泊

南樓西下時月裏聞來棹桂水軸轡迴荊州冲濟
闌移帷掩星漢引帶思容貌今夜一江人唯應妾

身覺

蕪城

此篇本四韻古詩洪氏截後入萬首五言絕句中自此選者皆承其誤

昔人登此地丘隴已前悲今日又非昔春風能幾時
風吹城上樹草沒城邊路城裏月明時精靈自來去

九日贈司空文明

我有惆悵詞待君醉時說長來逢九日難與菊花別
摘却正開花暫言花未發

贈薛戴

曉露忽爲霜寒蟬還罷響行人在長道日暮多歸

想射策本何功名登絳帳中遂矜丘室重不料阮
途窮交結慙時輩龍鍾似老翁機非鄙夫正懶是
平生性歆枕鴻鴈高閉關花藥盛厨烟當雨絕階
竹連牕暝欲賦苦饑行無如消渴病舊業歷胡塵
荒原少四隣田園空有處兄弟未成人毛義心常
苦袁安家轉貧今呈胸臆事當爲淚沾巾

旅次岐山得山友書却寄鳳翔張尹

本與戴徵君同師竹上座偶爲名利引久廢論真
果昨日山信廻寄書來責我

長安書事寄薛戴

朔鴈去成行哀蟬響如昨時芳一燹悴暮序何蕭
索笑語且無聊逢迎多約略三山不可見百歲空
揮霍故事盡爲愁新知無復樂夫君又離別而我
加寂寞惠遠縱相尋陶潛祇獨酌主人恩則厚客
子才自薄委曲見提携因循成蹇剝論邊書未上
招隱詩還作貴者已朝餐豈能敦宿諾飛禽雖失
樹流水長思壑千里寄瓊枝夢寐青山郭

野亭三韻送錢員外

野菊開欲稀寒泉流漸淺幽人步林後嘆此年華
晚倚杖送行雲尋思故山遠

留別柳中庸

惆悵流水時蕭條背城路離人出古亭嘶馬入寒
樹江南正風波相連在何處

一作挂連
同何處

送韓紳卿

春雨昨開花秋霜忽落草榮枯催日夕去住皆須
老君望漢家原高墳漸成道

冬夜與故友聚遊吉校書

途窮別則怨何必天難去共作出門人不見歸鄉
路慙慙執杯酒望望送親故月色入閑軒風聲落
高樹雲霄望且遠幽髮行應暮九日泣黃花三秋

悲白露君行過洛陽莫向青山度

送吉中孚拜官歸楚州

才子神骨清虛疎眉眼明貌應同衛玠鬢且異潘
生初戴葆黃帽來過慈相宅蒲室歸道師泉口宗
詩伯須臾星表傳天子亦知賢出詔升高士馳聲
在少年自爲才替數日與侯王會匡主一言中榮
親千里外更聞仙士友往往東迴首驅石不成羊
指丹空舞鶴孤帆淮上歸商估夜相依海霧寒將
盡天星曉欲稀潮頭來始歇浦口喧爭發鄉樹尚
和雲隣船猶帶月到洞必傷情經房見舊名離跡

壇路澁汲少井欄傾別我長安道前期共須老
隨水向山肯惜花辭島悵望執君衣今朝風景好
送路詞諫侍從赴洪州

郊超本絕倫得意在芳春勲業耿家盛風流荀氏
均聲名金作賦白晳玉爲身歛筭辭天子乘龜從
文人度關行且獵鞍馬何蹊蹊猿嘯暮應愁湖流
春好涉潯陽水分送千越山相接海雨細如絲蒲
帆輕似葉逢風驚不定值石波先疊樓見遠公廬
船經徐稚業邑人多秉筆州吏亦負笈村女解放
魚兒童能用轂唯我有荆扉無成未得歸見君兄

弟出今日自窟衣

慈恩寺懷舊 并序

余去夏五月與耿緯司空曙吉中孚同陪故考
功王員外來遊此寺員外相國之子雅有才稱
連賦五物俾君子射而歌之其曲曰凌霄花公
實賦焉因次諸屋壁以識其會今夏又與二三
子遊集于斯虎漸語舊舊既而攜手入院值凌霄
更花遺文在目良友逝矣傷心如何陸機所謂
同賞一室蓋痛此也觀者必不以狄位不侔則
契分曾厚詞理不至則悲哀在中因賦首篇放
書之

姻

去者不可憶舊遊相見時凌霄徒更發非是看花
期倚玉交文友登龍年月久東閣許聯牀西郊亦
攜手彼蒼何曖昧薄劣翻居後重入遠師谿誰嘗

陶令酒伊昔會禪宮容輝在眼中
藍輿來問道玉柄解談空
孔席亡顏子僧堂失謝公
遺文一書壁新竹再移叢
始聚終成散朝歡暮不同
春霞方照日夜屬忽迎風
蟻闌聲猶在鴉災道已窮
問天應默默歸宅太怱怱
悽其履還路莽蒼雲林暮
九陌似無人五陵空有霧
緬懷山陽笛永恨平原賦
錯莫過門欄分明識行路
上智本金真郡公况重臣
唯應撫靈運暫是憶嘉賓
存信松猶小載衰草尚
新經庭埋玉樹那忍見門人

鮮于少府宅看花

謝家能植藥萬簇相榮倚爛熳綠苔前鮮媚青草
裏垂欄復照戶映竹仍臨水驟雨繁芳香迴風舒
錦綺孤光難新故衆色更重累散碧出疎莖分黃
成細藥遊蜂高更下驚蝶坐還起玉貌對應慙霞
標方不似春陰憐弱蔓夏日同短晷迴落報榮衰
交關闌紅紫花可未才誰能止上客屢移
林幽情鬱憑几初合雖薄劣未得陪君子敢問賢
主人何如種桃李

七言古詩

烏樓曲

白馬逐牛車朱車一作黃昏入狹斜
狹斜柳樹烏爭宿
爭枝未得飛上屋東房
少婦睂從軍每聽烏啼知
夜分

妾薄命

憶妾初嫁君花髮如綠雲
迴燈入綺帳轉面脫羅
裙折步教人學偷香與客
熏客顏南國重名字北
方聞一從失恩意轉覺身
憔悴對鏡不梳頭倚牕
空落淚新人莫恃新秋至
會無春從來閉住長門
者必是宮中第一人

襄陽曲

襄陽堤路長草碧柳枝黃誰家女兒臨夜粧紅羅
帳裏有燈光雀釵翠羽動鳴璫欲出不出脂粉香
同居女伴正衣裳中庭寒月白如霜賈生十八稱
才子空得門前一斷腸

胡騰歌

胡騰身是涼州兒肌膚如玉鼻如錐綢布輕衫前
後卷蒲萄長帶一邊垂帳前跪作本音語拈襟擺
袖爲君舞安西舊牧收淚看洛下詞人抄曲與揚
眉動眼踏花氍紅汗交流珠帽偏醉脚東傾又西
倒雙靴柔弱滿燈前環行急蹴皆應節反手叉腰

如却月絲桐忽盡一曲終鳴鳴盡角城頭發胡騰
兒胡騰兒故鄉路斷知不知

樵歌呈鄭錫司空文明

昨宵夢到無何鄉忽見一人山之陽高冠長劍立
石堂鬚眉颯灑瞳子方胡麻作飯瓊作漿素書一
帙在栢牀啖我還丹拍我背令我延年在人代乃
書數字與我持小兒歸去須讀之覺來知是虛無
事山中雪平雲覆地東嶺啼猿三四聲卷簾一望
心堪醉蓬萊有梯不可躡向海回頭淚盈睫且聞
童子是蒼蠅誰爲莊生異胡蝶學仙去來辭故人

南北道路多風塵

雜歌

漢水至清泥則濁松枝至堅蘿則弱十三女兒事
他家顏色如花終索漠蘭生當門鶯巢森蘭芽未
吐鶯泥落爲姑偏忌諸嫂良作婦翻嫌婿家惡人
生照鏡須自知無鹽何用妬西施秦庭野鹿忽爲
馬巧僞亂真君試思伯奇報蜂賢父逐曾參殺人
慈母疑酒沽千日人不醉琴弄一絃心已悲常聞
善交無爾汝讒口甚甘良藥苦山雞錦翼豈鳳凰
隴鳥人言止鸚鵡向柳花才徒隱竈田文有命那

關戶犀燭江行見鬼神
木人登席呈歌舞樂生東
下終居趙陽虎北轅翻
適楚世間反覆不易陳
絨此贈君淚如雨

王敬伯歌

妾本舟中客聞君江上琴
君初感妾意妾亦感君
心遂出合歡被同爲交頸禽
傳盃唯畏淺接膝猶嫌遠
侍婢奏箏篴女郎歌宛轉
宛轉怨如何中庭霜漸多
霜多葉可惜昨日非今夕
徒結萬重淚終成一宵客
王敬伯綠水青山從此隔

瘦馬行

城傍牧馬驅未過一馬徘徊起還臥
眼中有淚皮有瘡骨毛焦瘦令人傷
朝朝妙在兒童手誰覺舉頭看故鄉
往時漢地相馳逐如雨如風過平陸
豈意今朝驅不前蚊蚋滿身泥上腹
路人識是名馬兒嚙昔三軍不得騎
玉勒金鞍旣已過追奔獲獸有誰知
終身櫪上食君草遠興驚駘一時老
儻借長鳴隴上風期一戰安西道

贈康洽

黃鬚康兄酒泉客平生出入王侯宅
今朝醉臥又明朝忽憶舊鄉頭已白
流年恍惚瞻西日陳事蒼

茫指南陌聲名常壓鮑參軍班位不過揚執戟爾
來七十遂無幾空是咸陽一布衣後輩輕肥賤衰
朽故一作侯門館許因依自言萬物有移改始信
桑田變成海同時獻賦人皆盡共壁題詩君獨在
步出東城風景和青山滿眼少年多漢家尚壯今
則老髮短心長知奈何華堂舉杯莫嘆晚龍鍾相
見誰能免誰能免君今已返我正來朱顏宜笑能
幾廻借問蒙籠花樹下誰家畚鍤築高臺

救生寺望春寄暢當

東西南北望望遠悲潛蓄紅黃綠紫花花開看不

足今年與子少相隨他年與子老相逐

送客東歸

昨夜東風吹盡雪兩京路上梅花發行人相見復
東西日暮溪頭飲馬別把君衫袖望垂楊兩行淚
下思故鄉

荆門雨歌送兄赴夔州

余兄佐郡經西楚餞行因賦荆門雨霹靂變變聲
漸繁浦裏人家收市喧重陰大點過欲盡碎浪奔
文相與翻雲間悵望荆衡路萬里青山一時暮
琵琶寺裏響空廊熨斗陂前濕荒戍沙尾長
牆發漸

稀竹竿草屨涉流歸夷陵遠色半成燒漢上游倡
始濯衣船門相對多商估葛服龍鍾蓬下語自是
湘州石鷺飛那關齊地商羊舞曾爲江客念江行
腸斷秋荷雨打聲摩天古木不可見住岳高僧空
得名今朝拜首臨欲別遙憶荆門雨中發